

- 1 ~~Passional Christi und Antichristi~~
- 2 ~~Lutheri s. Mart. /~~ ^{abverlesung} ~~hier~~ ^{Articul} ~~Wem b. s. 177~~
 vgl. 763942 ^[76 4159]
- 3 ~~Kurtz form der 3 sm z bott,~~
 an dem fonteyn
- 4 ~~Adel, Wittenberg~~
 der das in der 1521
 psalm, Wittenberg
- 5 ~~von alten und~~
 1521
 von alten und
 6 ~~Wittenberg~~
 von alten und
 7 ~~Wittenberg~~
 von alten und
 8 ~~Wittenberg~~
 von alten und





ap 4322
W. 88
[1520]

Ain Anzeygung: wie alwegen

sich die Römischen Bischhoff oder Ppst
gegen dē Teutschen Kaysern gehalten
habenn durch herz Alrichen von
Butten auff das kurtzest / auß
Cronicken vnnnd historien
gezogen Kayser. Alsa
fur zubringen

Ji II, Bl. 42

Faint, illegible text, possibly bleed-through from the reverse side of the page.



Fest (als eyner von den weysen sagt) der selig
zu achten & mit eynes andern schaden weyß
wirt/so ist auch der nit am meyste glückselig
zuhaltē/ der mit geringem schadē auß einem
vnglück kumpt da durch er vñd weißt/ darnach in seynem
sachē fürsichtiglich hādlen mag. Vñ mit bedenckung des
vorigē fals/ sich vor zukünfftigē fallen hütten. Wo aber
eyner were/ & beyderley gestalt/ als durch frembden/ vñd
auch seinē eygen schadē gewarnet/ sich doch nit fürsehen
wölt/ vñ alle vergangne ding zu vorgessz setzt/ ob es dem
selben vbel ging/ würden seine freund/ vñnd die ym guts
gunnen sich nit vber in erbarmenn/ vñnd seine feind das
selbig irem gluck zuschreiben. Die aber wider freund noch
seynd/ sprechen/ im wer recht geschēhē/ daß er der massen
vnderweyß/ noch dennoch ym irthumb freuenlich/ vñd
mit freyem willen gefallen were.

Demnach ist Kayserliche Maiestat zuermanenn / das sy
erstlich bedenck/ was ir selbst geraid vñ Bapst begegnet/
dar auß zu ernemenn/ was sy sich hynfüro leybs / guts/
erwen vñnd glaubens versehen soll. Darnach auß alten
hystorien vñnd geschichten der vorigen Kayser bericht
zunemen/ wie es dan etwan gegangen / so wurd sy fin-
den/ das kainem Teutschen Kayser vñ Bepsten (es wer
dan zu irem aygen nutz beschehen) gleichs ye wider faren
ist / sonder sein die offte yemerlich vber yre handt gegeben
erew vñ glauben von den betrogen vñd verraten/ allweg
vnder ainem schein der gaystlickeyt vmbgefirt/ vñd dar
nach zuspott vñnd schanden pracht. Etlich ouch fur ire
gethane wolthat/ schantlich vñd bößlich gehandelt/ als
mit henden vñnd waffen angefochten vñnd vberfallen /
das dan von eynem zum andern in der leng zuerzelen vil
zeyt habenn wolt / mag aber obenhyn / vñnd die größten
stück zumeldenn der massen wie hernach volgt anzaygt
werden.

2 ij

Horatius.

Was Keyd
Maiest. zu
erinnern.

Der Bapst
glauben.

Keyser Ot
so der erst.

Otto .iij.

Bapst Jo/
hannes der
xiiij.
Keyser Hein
rich der .iiij.

Nota.

Nota. Der
Bepst pra/
ctick.

Ueb heben wir an/ Keyser Otten dē ersten
zu nennen/ den acht ich für den ersten / der
den Bepstenn guts gethan/ vnd von ynen
böß empfangen hat/dan als er vom bapst
Johanne dem zwölfften durch bitt vnd flehe der Kir/
chem wyder die Saracenen Königt Berengarium vnd
seynenn sun Albrechten zuhelffen/ yn Italias gefordere
vnd kommen/ Rom von baidery seynden erlost/gantz
Italias in fryden gesetzt. Ist darnach Bapst Johanes
von ym zu König Albrechten / der yn Corsicam geflohen
was/ gefallen/ vñ hatt wider den frommen Keyser Otten
grosse auffrur vnd Krieg erwecket/ vnd hat Otto der erst
dise belonung von seinem bapst entpfangen. Aber seynen
Neuen Otto den drittē / haben nit mügen helffen vil gut
chat seines anherren/vñnd auch seines vatters/die sy den
Bepsten bewysen/sonder ist er von dem mit auffrur vnd
vntrew so lang angetast vñ beschediget/ biß er auß treff/
lichen vsachen bewegt/Bapst Johani dem .xiiij. die auß/
gen hatt lassen außstechen / welche straff sy dan eyn zeyt
lang yn forcht gehalten/biß so lang das Reych kommen
ist an den werden helt Kayser Haynrichen den .iiij. des
gleichen in Teutschen landen nye geporen/dan ym geben
seine eygne seynde/ die Italianer das lob/das er yn streyt
parkeit den meystenn tayl die teuristenn held so ye gewest
aber mit menige der Selttschlachtenn sy alle vbertroffenn
hab. Dan er hat seine tag bey den .lxij. schlachtē gethan
in denen er den maysten tayl vnd nahent allen obgesygt/
Aber ye dapfferer/ starckmütiger / vnd thugenthafftiger
er gewesen / ye grösser verfolgung der Bapster hatt ley/
den müssen. Also baldt sy sein groß gemüt vñnd geschick
lichkeit gesehen/haben sy (auff das er nit vber sy wach) sich
ym entgegen gesetzt. Vnd ist die erst practick gewest
haymlich die sachenn (als der zeyt das mechtigest volck
Teutscher Nation) im ab zuwenden/ das sy auch volen
den/also das vil Fürsten vnd herren wider in zusamen ge
schwore/ dan die Bepstischen habē sy vberredt/ er sey vñ

natur zu tyranny geneigt/ werdt sy vmb yre alte freihelt
bringen/ dar zu haben etlich gaisliche Fürsten geholffen
Do hat yn der Pöpst gen Rom citiert/ ym schult geben/
er treyb Simoney/wā er seyn diener mit geystliche pfrün
den versehe/ vnder des haben sy des werden Keyfers mu
ter in eynen aberglaubē bracht/das sy sich vō im gethan
in Italam gewallet/ vñ da selbst ir lebē volendt vñ auß
bliben. Sy habē ym auch vil andre Teutsche Fürsten wi
der spennig gemacht/dar auß manch yemerlicher todt /
schlag / vil grosser Selttschlacht/ manch erbermlich blut
vergiessung gefolgt / vñ ist in sollichs nit vō eynem oder
zweyenn Besten widerfaren / sonder viern oder funffen
vnter denen doch der schantthafftich Mönch so ye gelebt
Ziltebrant genant ym am hertestenn zugesetzt / on ange
sehen/das er von seinem Babstumb vil wolthat vñ gu
tes von ym entpfangen hett/der selbig hat vber das/das
der Keyser zu ym in Italien gezogen/sich gegen im gedes
mietigt/vñ also ym abgethan/was er ye wider in gethan
hatt/ sich gantzlich mit ym vertragenn/ darüber sy auch
beyd zusamen geschwozen/vnd ein vertrag mit brieffenn
vñ siglen befestiget. So balde aber der Keyser in Teutsch
landtkömen/hat der Babst haymlich allen Fürstenn ge
schriben/inen grosse verhayschüg gethan/das sye den Kai
ser absetzen Die weil aber der frum Kayser sich in mitte
des fridens sollichs gar nit versehen/ist es da hyn kömen/
das man einen andern kunig gegen im aufgeworffen/dar
nach noch ainen/vnd zületzt den dritten/dan er hatt sy al
le erschlagen/vertriben/vñ zum todt bracht Do sollichs al
les nit hatt helffen mugenn/hatt sich der listig Babst/im
seinen sun widerwertig zumachen vnderstanden/ vñ erst
lich Kunig Conraden/der das mal in Italien was/erwe
cket/das er sich wider seinen vater erhüb/vñ gantz Ita
lien ausspracht. Do aber Kunig Conradt darüber gestor
ben/die Italianer erschlagen/ Rom durch den Keyser ge
wunnen / ist der Gotfurtig vater in die Engelburgk ge
schlupffet/darnach sich darauff gestolē/vñ da des Chri

A iij

Babst Zil
tebrant.

Nota. Ver
reterey des
Bapsts.

Drey kunig
wieder Key
ser heinrich
bewegt hat

Auch seinen
sun Kunig
Conrad wi
der inen bes
wegt hatt.

Babst Urbanus.

Kayser Heinrich der. v.

Lotharius

Conradus.

Kayser Friedrich der. i

stenliche blüts gnüg vergossen was/hat er sich auß dem
staub gemacht Nach welches todt ain gleich gesind der
Babst nemlich Urbanus wider yn auff geworffen / der
nach versuchung allerlay wid yn zületz seinen sun Hain-
richen gegen im gerayzt/vñ das da hyn pracht/das der
selb iungeling aynen grossen anhang in Teutschen landē
vberkōmen/ da mit er auch seinen vatter in seinem letzten
alter vberwunden/ iamerlich/ vnd wie nit zūsagen ist tra-
ctiert/ vñnd zületz in todt pracht hatt. Also ist es disens
theuren heldē ergāgen. Do sy aber nun den selben der mas-
sen zügericht/ vnd an seiner stat der selbig Kunig Hain-
rich sein sun angehaben zü regiren/ wie wol sy im dar zü
geholfen hetten/ ye doch haben sy sein macht auch nit
leyden mögen/sonder habē sich im auch entgegen gesetzt/
der dan Kayn eerliche that nie gethan/ dan das er sy wol
gestrafft hatt/ vñ mit der aller hōrtesten rüthē/ yrem verd-
dienst nach geschlagen/doch haben sy in mit irem kriegem
vō vilen herlichen thatten die er vor gehabt abgezogen/
hat auch sein lebtag durch yre practick vnd hynderlist in
vnrühen leben müssen/des er dan auch nit vnwürdig ge-
west/ dan er hatt es von seinem frūmen vatter verdient
gehabt. Nach des todt habē sy den Herzogen Lothariū
auß Sachssen/vñ Herzog Conraden auß Schwabē an
amander gehezt/ auff das nit/wo ain trechtickait vnder
ynen were/irer ainer sich erheben möcht/vnd ynen züge-
waltig wurde. Doch hatt Kayser Lotharius als er das
reych erobert/ nach dem sy ym Herzog Conraden entge-
gen gehalten hetten sich an ym gerochen / sy zimlich ge-
straffet. Darnach ist der außewelt degen Kayser Frides-
rich der erst kōmen/den selbē acht ich nach Kayser Hain-
richen den vierden den aller streytparesten Teutschen Kay-
ser so ye gelebt hatt / Wiewol er besser glückt zu seinem
handel dann Kayser Heinrich gehabt hatt/ so baldt sie
nun sollich stercke vnd trōglickeit bey im befunden habē/
seind sie yn auch mit irer gewonter weyß angegangen.
Die weyl aber solichs Keyfers handel also bekant ist/das

auch Lynder dar von wissen zusagen/ seind dar vō nit vil
wort zu machē. Es habē ym die Bepst glaubē geschwo-
ren vnd nit gehalten/ vnd hat Rom ye list vnd behendig
Keyt geubt/ so hat es sich an disem versucht/ also ernstlich
vnd mit stetigem anhalt/ das ich auch geschriben sind/
wie ym Bapst Alexander dem Heydnischen Soldan ver-
rattē hab/ das er in sein gewalt kōmen/ aber doch durch
die hülff gotes wider erlost. Darnach allerlay weg in vñ
zukeren gesucht. Got hat in aber behiet/ vñ zū vberwint
nuß seyner feynden pracht. Es seind noch vor augen vil
schufften vnd sendbrieff/ so diser Kayser vnd der Bapst
zusamen gethan/ dar auß zu erkēnen/ was redlicher stuck
sy an ym geubt. Da nunder Bapst gedempt/ die Rōmer
zerschlagen/ vñ gantz Italien durch disen held gestilt/ vñ
er also nach zerprechung aller seyner feynde/ ayn löblichs
endgenōmen/ haben dan die nachfolgende Bepst/ des sy
an dem vatter nit vermocht haben/ sich an seinem sun ge-
richt. Vnd erstlich haben sy sich mit Kunig Haynrichen
vmb Neapolis gezwayet/ den selbigen ain bezwūgen fri-
den mit inen anzunemen gedungen. Nach des tod habē
sy mit grossen listen zū gericht / daß ain zwoytracht in der
wal ist wordē zwischen den Teutschen Fursten. Als nūn
Kunig Philips des yez genanten Kaiser Haynrichs brā-
der den grosten anhang in Teutschen landen gehapt/ ha-
ben sy dar gegen Hertzog Otten vō Sachssen cōfirmiert
Als in aber Kunig Philips vberwunden/ auch vertribē/
haben die Bepst vñ die iren/ wie wol nit öffentlich/ son-
der haymlich/ nichts vnderlassen/ damit sy yn verfolgen
mochten/ seind im offte trewolß vnd maynaidig worden/
dan inen ist das geblüt Kayser Friderichs verdacht gewe-
sen/ biß er zūletzt von aynem Pfaltzgrauen erstochen ist
worden/ als dan ettliche maynen durch anrayzung vnd
verschaffung des Bapst Innocentij. Vnd also ist nach
yrem willen vñnd beuelch Hertzog Otto/ wie wol wider
der Teutschen Fursten gesynnen/ doch dem Bapst zū ges

Wie Bapst
Alexander
Kunig Fri-
derichen dē
Soldā ver-
raten hatte

Kunig hain-
rich.

Kunig Phil-
lippus.

Hertzog
Otto.

Keyser Fr/
derich der.ij

Decret wie/
der Keyser
Friderichen

Historie wie
der Keyser
Friderich.

Lantgraff
Otto.

fallen König worden. Es hat aber des Papsts gunst
mit langüber dem gehalten/ dan so bald er mit hat in allen
dingen mit abrechung des Reichs/ seines willens gelebē
wöllē/hat er in auch feyntlich verfolget/vñ mit dem ban
geschlagen/ dar an keyn gnugen gehabt/ so vil mit den
Fürsten gehandelt/das sie den iungen Hertzog Friderich
Keyser Philips sun wider yn erwelet haben/vñnd haben
ynen also ein rüthen vber iren eygen rucken gemacht/dan
das ist Kaiser Friderich der ander/der sich sein leben lang
mit den Bepsten (der ym drey nachinander zu streng/
lich wider gewest) hatt beyssen müssen. Nun ist er vom
leyb vñd gemüt der massen geschickt/ das sich billich die
welt ains solchen Fürstens frewen solt/gewest/yn haben
aber die Bepst mit ainem fast lasterlichen heftlichen De/
cret/ das sy auch darnach yn ir gaystlich recht/ dar ynn
es noch steet/ gesetzt/zuschenden vnderstanden/in trew/
loß vñd maynaidig gescholten/dem sy nie kein trew noch
glauben hieltē/auch sunst viler ding geschuldigt/ dar an
sy ym als auß waren Historien vñ Cronicken zübeweisen
gewalt vñ vnrecht gethan/ dan er ist ain redlicher streit/
parer crenreycher fürst gewest/vñd darumb sy sich aber
an ym lebendig nit haben rechen mügen/ haben sy dises
giffte nach seinem todt vber in außgegossen/der hoffnüg/
sy wöllē bey den nachkommen vñnd auff kunfftige zeyt
dannoht recht behalten/vñd seind darauff etliche Hi/
storien schreyber von ynen die sachen also zübeschreyben/
verordnet wordē. Aber bey alten vnparteyeschē geschichte
schreybern/auch in seinem Kaiser Friderichs briesen (der
ich ein gantz büch voll hab/vñd ob got wil baldt werd
trucken lassen) findet sich die warheyt / das yn die bepst
schentlich vñnd lesterlich gehandelt haben. ¶ Erstlich
Honorius/der ym den Lantgrauen Otten entgegen auff
geworffen/vñnd darnach etliche Stet in Italien wieder
yn erweckt. Als er die aber mit der hülff gottes/doch nit
an groß blütnergiessen vberwunden vñd sich mit grosser
macht vñnd vnaußsprelichem kostenn das heylig lande

von den vnglaubigen wider zu erobern erhabē/ vnd schon
mit den seinen auff dem mör gewest / hatt ym der Bapst
ain auffrur in Italien gemacht/ das er den löblichen zug
hatt prechen müssen / vnd widerumb zu rüch ziehen/ vnd
ist also durch neyde des Bapsts die ganz Christenhait an
irem grossen nutz vnd eren versumpft vnd gehindert wor
den. doch hat er gethann als ein großmutiger Fürst/ dem
der gemayn nutz mer / dann sein eigenthumb lieb gewest
ist/ hatt sich in grosser demietikeyt mit dem Bapst ver
eynigen lassen/ darnach wid zum heyligen land gezogen/
Jerusalem vñ andere Stett wider an die Christen prache
Für welche seine wolthat in mieler zeyt im der bapst Gre
gorius auff alle weg nach gestelt/ vnd zuuor an in durch
die Tempelherren dē Haydnischen König verratenn wöl
len. Darnach ym seinen sun König Heinrichen entgegen
gehetzt / Meyland/ Bononien/ Parma/ Venedig/ vñ vil
andere Stett in Italienn mit grosser auffrur wider yn bes
wege/ yn darnach verpannet vñ vermaledeyet. Vnd als
er nun den allenn obgesigt/ auch der Practickē/ so erstlich
durch denn Bapst Gregorium/ dar nach Celestinum ym
Teutschenn landt wider yn zugericht widerstanden/ sich
auch also gehalten/ das man sein vnschuld erkant/ vñnd
großmietikeit gesehen. Hatt der Bapst Innocentius eyn
Concilium in Franckreich wider yn gemacht/ dar in er in
auch abgesetzt vnd verpannet hat/ ober das er vor d zeyt
onwidergeltliche wolthat vonn im Keyser Friderichenn
empfangen het/ auch on zweifel wo er nit gewesen/ wer
nymmer Bapst worden/ also ist der frum Keyser bis yn
sein todt von ynē gehandelt worden. Doch haben sy den
hassz/ so sy wider yn gehabt auch nach seinem tod nit fas
renn/ sonder des seinen sun Conradenn entgeltenn lassen /
vnd den bastart Manfredum an yngeherzt / in welchem
Krieg ym mit giffte vergeben ist/ durch verratung on zwey
fel des Bapst Innocētij. Als nun der hynweg genōmen/
haben sy mit dem bastart Manfredo gleicher weiß auch
gehandelt/ dan der Bapst Alexander hat ym erstlich die

B

Nota. groß
se boßheyt.

Verratterey
Bapst Gre
gorij.

Vndannck
parthey des
Bapst In
nocentij.

König Cō
rad Bepst
liche giffte.

**K. Mann
fred.**

K. Rudolff

**Key. Heyn/
rich der. vij.**

**Papst Cle/
mens.**

**Key. Heyn/
richs gesch/
schicklichkeyt.**

**K. Ludwigs
gen Papst
Joannes.**

Florentiner/ vnd vil Welscher Stett an hals gehencket.
Darnach auch den König inn Franckreich wider in bes
wegt/ das auch darnach Papst Urbanus/ vñ zuletzt Cle
mens gethan/ so lang bis er bey Beneuent von den Franz
osen vberwunden/ vnd erschlagen ist. Nach dem ist Key
ser Rudolff in Italien von ynen tribuliert worden/ doch
heymlich/ als in dan haben (das er etlichen Malenn vñ
den er gelt darumb entpfangenn hatt gefreyet) zu schme
hen vnderstanden/ dar auff dan Papst Honorius zimlich
chen fleys gelegt/ were an Keyser Heynrichs des. vij. tode
schuldig sy/ das ist noch nit gründlich erkant/ wiewol nie
mants zweyfelt/ das die Florentiner den Münch der ym
in dem heyligen Sacrament vergeben hat/ zugericht vñ
verordnet haben. So weys man auch wol/ das im papst
Clemens/ der in anders nit/ dann auff geding hatt Key
ser seinlassen wollen/ nit gern/ sonder mit auffruer vnd bes
zwencklich gekrönet/ hat sich auch vmb des Königreich
Neapolis willen freuntlichen gegen im gestalt/ in dem ist
der frum Keyser yemerlich vmbkommenn/ der sölicher ges
chicklichkeyt ist gewesen/ das man im gätzen reich eyn hof
nung in ym gehabt/ er werd noch gross cer einlegenn/ hat
auch der massen angefangenn zu regiern/ das sich nit an
ders/ dan zu eynem dapffern großmütigen rechtschaffen
regnierer zu ym zu versehen gewesen. Das hatt er auch vil
leicht entgeltē müssen/ was aber an dem heymlich geubt
ist darnach an Key. Ludwigen offentlich angewend/ den
selbenn hat papst Joanes der geyzigist vñ gelt süchtigist
so vnder allen besten ye gelebt vñ das er on seyn verwil
ligung zum Keyser gewelet/ verbannet/ vnd so vil an im
gewesenn abgesetzt. Do er aber sich mit gewalt ym entges
gen gesetzt/ gen Rom mit macht gezogen/ vnd der papst
sich ym zuschwach erkant / hatt er alle Stet vñnd Herr
schafft in Italien die er vermöcht wider yn gehezt / vnd
im also lang er gelebt keyn ruhe gelassen/ hatt sich auch
in keynen weg mit ym vertragen wollen lassen. Diser Key
ser Ludwig hatt sich / wie wol mit seinem grossenscha

den dānocht Fürstlich vnd Keyserlich yre erweret. Aber
sein nachkommen Karolus hat sich ganz weybisch sin
den lassenn / dann er hat sich den Papst Innocentium
zwingen lassenn / auff das er von yme gekrōnet wūde / zu
geloben vnd zuschwoeren / von stund an auß Italien zuzie
hen / vnd gen Rom sein lebtage nimmer kommen. Noch
mehr ym ertliche Stet vom Reich vbergebenn / vnd vil
ander vnzimlicher vnerlicher cōpact vnd bündtnuß eyn/
gegangen Wie wol nun diser schuldt hat / das er also gar
on hertz vnd gemūt sich des Keyserthums vnderwun
den / so sein doch / die ein solichs haben döffen eynem Rū
mischen Regirer vnd herren der welt angesinnen nit ent
schuldiget. Dan sy haben nit als Christliche Bischoffen
gepürt sonder listig / betrieglich / vnd vntrewe tyranny
bewisen. Darnach hat sich Keyser Sigmund vnd ynen
etwan gute wort geben / etwan sich dienstlich erzeygende
durchenn müssen / bis so lang die Hussiten sach sich bege
ben / zwoytracht in sy gefallen / vnd es zu einem Concilio
kommen ist. Dan darnach hat er eyn zeylang besser sach
mit ynen gehabt / ye doch habē sy im auch erstlich im Cō
cilio zu Costenzz / darnach zu Basel auff das truglichst
entgegen gegangen. Vnd wie wol er den syn vnd mit sy
zu reformiern gehapt / ist ym doch das glück dar zu abget
standen / vñ es nit volenden mügen Im ist auch groß vn
däckparkeyt vñ Bepsten widerfaren. Aber zu vor an von
Eugenio dem er ym Cōcilio zu Basel zu allen seynen erent
geholfen / der hat yn darnach also spötlich gehalten / vñ
also schentlich veracht / das er in. vi. Monat lang zu Se
nis hatt warten lassen ee er ym die Keyserliche Cron hat
geben wollen. Dises ist der verreter Eugenius gewesen /
der da als er gesehenn hat / das das Concilium zu Basel
wider sich furgang habē den Delphin in Franckreich be
wegt hat / das er mit hōres krafft in das Elsaß gezogen /
vil lands verwüst / vñ die armen leut yamerlich verderpt.
Da mit hatt er sich an den Teutschen Fürste rechen wol
len / hat ye eyn Keyser mit Bepsten vmb kōnden gehen /

Carol⁹. list.

Key⁹ Sigmund.

Eugenius⁹
papst.

B. ij.

Keyßer Fry
derich d. iij.
Babst Pau
lus.

Babst Pi^o

¶ Nota.
Babst Pi^o
vntrew.

Nit auf ein
Concilium
appellieren

Beschlus.

so hat es Keyßer Fridrich der drittel gekönet/noch dānoche
haben sy im vil böser dūck bewisen/vnd zuuor an hat ym
Paulus der bapst/da er das lezt mal zu Rom gewest ver
retterlich nach gestelt/des hynderlist er doch entpflogenn
ist/ furwar hett auch einen frömbkeyt vnnnd fleyß des fri
dens sichern mügen/er wer billich vō ynen vnbetrübt bli
ben/ hat yn aber nit geholffen. Wie were vil zusagen von
den aller vntrewestenn vnder allen bepstenn/die ye gelebet/
Pio dem. ij. Dan er hatt sich von iugent auff in Teutschē
landē geprauchet/ist an Keyßer Fridrichs hoff lang zeyt
ann eynes Secretarienn stat gewest/Also/das er alle geles
genheyt Teutscher Nationn besehen vnnnd erlernet hatt/
Darnach durch anbringen des Keyßers/auch vmb das
mann in des geprauches /gewest/ erstlich Bischoff/dar
nach Cardinal/zuletzt Bapst worden. Da er nun zu dem
selbigem standt kōmen/hatt er von der selben zeyt an biß
zū end seins lebēs keynenn fleys gespart/damit er Teutsch
Nation auff dz aller höchst beschwert/dan der aller grō
sten schinderey / so die Bepst treyben/ist diser ein erfinder
vnd anheber gewesen/ vnd was die andern mit guttē vñ
freuntlichem angesynnen od schmaychle vō vns prachte/
hatt er mit truz vnd gewalt angefallen. Vnd nach dem
er gewist/ wie es vmb die geystlichenn lehenn hierauß ein
gestalt/ hatt er die wissen zuschetzen/vnnnd on massen bes
schwerung dar auff gelegt. Die Pallia/Annaten/ vñ ans
die rauberey/on form vnnnd gestalt erzeyget. Diser hat et
liche Teutsche Fürsten mit dez ban geschlagenn/als Herz
zog Sigmunden vō Osterreich/vñ der Erzbischoff vō
Mentz. Er ist auch der erst gewest/ der so vil ann ym ges
west/die zuflucht die man vor ym allweg auff das Con
cilium hatt gehapt/abgenommen/ mit eynem gesetz/ dar
in er verpent/das man nymmer vō eynes Bapst an ein Cō
ciliū appellier / vnnnd also hatt er sich gehalten gegen den
frommen Teutschen/die im zu eren vnd gut geholffen vñ
pracht haben. Dise stück seind auff das kürzest auß vilen
gezogen / dan vō den listen vñ vntrewen so die bepst den

217
Florentiner

Key: Ma:
weyter zu
vnder wey/
sen.

(für deren namē sich auch zu fürchten ist) auff disen weg
kömen/maynet yn vnder eynem scheyn der freuntschafft
mit listen zufellen/vnd das am meystenn auß der vrsach/
das er sicht/ es sich allenthalben dar zu schicket/ das die
Teutschen von der Bepflichen schinderey vnd beschwer
nus erlediget von dem ioch/so yn vnbillich auffgelegt er
lost werden mügenn. darumb soll Key. Maie. sich vnder
weyssen lassen/das sy sich den Bapst nymmer mit gutten
wortē dahyn reden laß/ das sy die yenen so zu solchen din
gen dem ganzen land vnnnd aller Chrustenheyt zu gut ver
manung thun verfolgen oder außtilgenn laß/ dan ye erf
kant werden muß/ das Doctor Luthers vnd mein schrei
ben yrer Maie. der ganzen Teutschen Nation zu eeren
nutz/frummen/vnd wolfart reichen. War ist das es vil
en Keyßern/die auch gern Teutschen landt geholffenn
vnd yn sein freiheyt wider pracht/hettenn dar an gefes
let/das sy nit gehapt/die sie auß grundt der schrifftē dis
ser sachen/wie von nöten bericht hetten. Dan es wissen
wenig/wo dem Bapst sein hertz lygt/ob es dan schon et
lich wissenn/sein zum taylor geystlich/zum teyl haben sy nit
den mut das sy es sagen vnd offenbaren gedörffen/forch
ten die Bepfliche Tyranny. So es nun dar zu ist kom
men/das leut sein die das wissen/ vnnnd dörffen yderman
zugut/aber sonnderlich Keyßerlicher Maiestat zu eeren
vñ nutz/die warheyt für zübringen / soll mā die nit alleyn
nit verfolgen/noch dar an gehindert werden lassen/sond
ner soll man sy fürderen/ynen darzu helffen vnd raten.


Finis.


M
No 385 M

(X224 0281)

~~129~~
129
Rom







af 4322
W. 80
[1520]

Ain Anzeygung: wie alwegen
sich die Römischen Bischhoff oder Ppst
gegen dē Teutschen Kaysern gehalten
habenn durch herz Ulrichen von
Butten auff das kürzest/auff
Cronicken vnnnd historien
gezogen Kayser. Also
fur zubringen

Li II, Bl. 42

